

XVII

Euz bar an Env, o sant Fiacr,
Sellit brema ouz tud Guengat,
O kana deoc'h meuleudiou
Gant ho c'halon hag ho moueziou.

XVIII

Beillit bepred, o Tad karet,
Var ar barrez zo deoc'h goestlet ;
Pellañ diout hi ann dizursiou,
Dalc'hit feiz kre er c'halonou.

XIX

D'ar iaouankis roñt ar furnez,
D'ar vugale sentidigez,
Ha d'ar gosñi kalon nerzus
Evit mont var eñ da Jesus.

XX

O sant Patron, sellit ive
A druez euz ho pugale,
A gerz brema var ho roudou
Hag a c'houzanv bep seurt poaniou.

XXI

Gant alc'houez aour ho pedennou
Digorit deomp dor an Envou,
Ha ni gano deoc'h mill bennos
E kreis dudi ar Barados.

IMPRIMATUR :

Quimper, le 24 Août 1903.

F. Corrigou, vic. gén.

Quimper, impr. de l'Evêché.

L. J. G.

&
M. I.

MEULEUDI HA PEDEN DA ZANT FIACR



Ton : Ni ho salud, stereden vor.

DISKAN :

Meulomp a greis kalon,
Meulomp hor zant Patron.

I

Gant tudchentil huel savet,
Fiacr, er Scoss a zo ganet ;
Lagad Doue, gant he vennos,
A bare varn'han deiz ha nos.

II

Dizale, sant Fiacr a voa
Eur bugel euz ar re goanta ;
Leun a furnez hag a spered,
Ha kristen mad ato bepred.

III

Renons a reas heb dale
D'an enoriou, d'ar vanite ;
Tremen reas he iaouankis
Oll da Jesus, oll d'an Ilis.

IV

'Vit servicha guelloc'h Doue
Ha beza d'Hezan nos ha de,
E kuiteas he vignonet,
He vadou hag he vro garet.

V

Renn reas eur vag vian
 Evit treuzi ar mor ledan,
 Da zont etrezec douar Frans
 D'ober eno he zemeurans.

VI

Kaout a reas eur lec'h distro
 Pa zigouezas-e kichen Mau,
 Ha sant Fardy a lavare :
 « Va mignon ker, chom ganen-me ».

VII

Eur vuez pur hag angelik
 A gunduas eno pellik,
 He beden voa kuntinual
 He binijen dreist ordinal.

VIII

Ne n'em gontantas ket ebken
 Da iun ha d'ober pinijen ;
 Ar beorien a sikouras,
 Ha d'ar re glany vad a rentas.

IX

Nag a draou kaer ha burzudus
 A iun ha d'ober pinijen ;
 Ar bouzar glev, ann dall a vel,
 Ar pec'her paour a zeu santel.

X

Goude kement a vurzudou
 E voa hanveet e kals lec'hioù ;
 Dont a ra tud euz douar Scôss
 Evit goulen oll he vennos.

XI

Vardro neuze e voa choazet
 Da Roue en he vro garet,
 Ha tud ar Zant a zigassas
 Kals souldardet evit he glask.

XII

Neuze Fiacr, gant kals daëlou,
 E n'em adressas d'an Envou :
 « O va Zalver, o va Mam ger
 Diouallit mad ho servicher. »

XIII

He beden n'oe ket achuet,
 Ma voa gant ar lornez goloet ;
 Ha sant Fiacr gant eur joa vras,
 Oll da Jesus en em ofras.

XIV

Gant ar c'hlenved e voa chenchet,
 Ken na voa mui anavezet ;
 Ha neuze voa lezet frankill
 En he goat bras hanvet Fordill.

XV

Raktal Fiacr en em gavas
 Dilivret euz he glenved bras ;
 Euz bar an Env, ar Vam santel
 En doa beillet var he hugel.

XVI

Goude buez ken burzudus,
 Fiacr a zo brema eürus
 Etouez ar Zent hag ann Elez,
 Gant kurunen ar zantelez.

